



stangvikfestivalen

## STANGVIKFESTIVALEN '10

### Torsdag 29. juli Pakkhuset Brygge på Todalsøra kl 20.00 kr.200,-

Stangvikfestivalorspel i Todalen! Trekkspelvirtuos Frode Haltli med sine venner i trio Poing vil framføre maritimt musikalsk stoff. Vi møter dei også i samspel med festivalkomponist Maja Ratkje.

Anders Larsen vil forklare sitt ambivalente forhold til Todalen, og Zümetrio vil sørge for at ikkje alt låter symmetrisk. Det vil bli tango, todals-slåttar, toillmusikk og Todalsssongen!

### Fredag 30. juli Prestegarden kl 18.00 Åpningskonsert kr 200,-

Den tradisjonelle åpningskonserten i Prestegarden. Festivalen si offisielle åpning ved Stangvikgarding, tidlegare festivalkunstnar og entusiast Brit Dyrnes. Her får vi møte mange av aktørane i solo og samspel. Denne konserten er så intim som ein kammerkonsert kan vere. Når vi går frå prestegarden har vi fått sett stemninga i Stangvikfestivalmodus.

### Fredag 30. juli Bondehuset kl 20.30 Festivalutstilling Fri inngang

Fotografi frå Stangvik av Yngvil Sæter. Her får vi sjå Yngvil sine foto av fastbuande Stangvikgardingar og hus i Stangvika. Dette er ein del av fotoprojektet ho fikk kleivafondmidler for i år.

### Fredag 30. juli Bondehuset kl 22.00 Krimkveld kr. 230,-

Kva er fredagskvelden utan detektimen. Vi tek konsekvensen av dette og presenterer århundrets krimkveld i Bondehuset. Vi får møte fleire kjente karakterar som Derrick, Harry Klein, Poirot og sannsynlegvis vil James Bond også blande seg inn. Om den italienske mafiaen klarer å halde seg unna er særvis uvisst. Følg med i neste episode.....

### Laurdag 31. juli Bondehuset kl 13.00 Gjermund Larsen og Bom Basker kr. 100,-/250,- (familie)

Gjermund og Bom Basker var spelemannprisinominert i klassen for barn med plata *Bom Basker*. Med ei blanding av song, fiolin, trekkspel og rap får vi møte tradisjonelle barnerim, songar og regler presentert på ein spanande måte i skjeringspunktet mellom tradisjon og samtid.

### Laurdag 31. juli Bondehuset kl 16.00 Den Tradisjonelle Fiskesuppa

Ein klassikar serverast i festivalkafeen. Her er det kulinariske Stangvik samla i ei hemmeleg oppskrift i ei gryte som brukar å bli tom.

### Laurdag 31. juli Rutlåven kl 18.00 Norske låvetonar kr. 200,-

Harpespel på presten sin låve kan gi assosiasjonar til mykje. Her blir det i alle fall feiande flotte tonar framført i nok eit fantastisk konsertlokale i Stangvika. Norsk urframføring av komposisjon av festivalkomponist Maja Ratkje. Biolog og musikanter Nils Røv spelar og kåserer om folk og fe. Og ikkje minst vil Kulturskulen sine pianoelvar framføre det dei har lært på festival-seminar.

### Laurdag 31. juli Bondehuset kl 21.00 Stemmeprakt kr. 230,-

På sedvanleg laurdagskveldvis får vi servert ein svært mangfaldig konsert. Restauratørsongaren Benito Nava, rapparen Trond Wiger, folketonosongaren Runa Hestad Jensen, operasjonsgaren Tonje Hove og Stian Hovland Pedersen med sine *Patetiske songar*. Hovedsolist er festivalkomponisten og stemmekunstnaren Maja Ratkje i ein konsert som må opplevast!

### Søndag 1. august Bondehuset kl 12.00 Benitos Zia Teresa kr. 150,-

Den tradisjonelle ønskekonserten er i år tillegna Benito Nava og hans restaurant Zia Teresa. Kunstnarisk leiar Trygve Brøske har savna denne oasen midt i Trondheim så sterkt at han har gitt Benito oppgåva med å gjenskape den unike stemninga. Benito med gamle stamgjester serverer musikalske, verbale og kulinariske høgdepunkt frå den glade Zia Teresa-epoken. Og naturlegvis vil vi by på Stangviks beste kaker!

### Søndag 1. august Svisholmen kl 14.00 Fotballturnering Fri inngang

VM er ferdig, men fotballen rullar i Stangvika. Og kanskje går ikkje nokon åleine . . .

### Søndag 1. august Stangvik Kyrkje kl 19.00 Duell på kyrkjebakken Folketonar vs klassisk kr. 200,-

Fiolinduell mellom søskenborna Gjermund og Anders Larsen. Fele eller fiolin. Folketonar eller klassisk. Her får vi svaret. Saman med duellantane får vi presentert det vakre verket *And then I knew 't was wind* av den japanske komponisten Tōru Takemitsu med Zümetrio. Festivalen vert avslutta med Frode Haltli akkompagnert av nesten alle festivalaktørane i *Passing Images* av Maja Ratkje.

### Festivalpass Inkluderer alle konsertane! Pris kun kr. 650,-

PS! Møt opp i god tid; ca. 30 min før konsertstart for å få så god plass som mogleg!

### Festivalkafeen

Vil vere open i helga, og vil bl.a. selge verdas beste fiskeburger. Serverer i tillegg både vått og tørt, med god kvalitet, og stor spennvidde!

[www.stangvikfestivalen.no](http://www.stangvikfestivalen.no)

Vi tek atterhald om eventuelle endringar i programmet ☺